



## LINGUA GALEGA 5º

### 1. Subliña de azul a sílaba tónica das palabras do texto e di se son agudas, graves ou esdrúxulas.

Ex. Papá → aguda

–Papá, aínda falta moito para chegar á vila? –preguntou Pedro.

–Non, soamente uns cantos quilómetros e... xa estaremos na casa do avó!

–Si, si, «soamente». Iso é o que sempre dices. Cando cho preguntei, hai agora unha hora, dixéchesme o mesmo e aínda non chegamos –volveu falar o rapaz.

–Abonda –dixo a mamá–. Sempre que saímos da casa temos a mesma. É que non podes ter un pouco de paciencia? Que leria, señor!

M. VIANA, Os piratas van a Roma. (Adaptación)

### 2. Le e arrodea a palabra que non teña a sílaba tónica na posición indicada.

automoción	automóbil	plátano
ferrocarril	aeroporto	cárcere
pasadomañá	ordenador	sílaba
botella	lapis	dicionario
ÚLTIMO LUGAR	PENÚLTIMO LUGAR	ANTEPENÚLTIMO LUGAR

### 3. Risca a opción incorrecta en cada caso.

- Xa o di o refrán: «Máis vale maña/mañá ca forza».
- A Iria metéuselle unha area/área nun ollo, caeu e mancou a man.
- Agora/ágora chegou a vosa oportunidade para gañar.
- O publico/público saíu moi contento da representación.
- A vindeira semana actuara/actuará a Orquestra de Galicia.



#### 4. Le con atención este texto e responde ás preguntas.

##### Todomedo

De neno tíñalle medo aos descoñecidos e cando algún adulto me falaba, baixaba a cabeza e centraba a mirada no brillo intrigante dos zapatos lustrosos de meu pai. Tiñan un aquel enigmático, nunca estaban sucios a pesar de velos andar por carreiros cheos de lama. Apenas lembro a cara do meu pai, só aqueles zapatos. O mesmo acontecía coa miña nai: se algo me asustaba, turraba polo seu xersei e cubría a cara con el como se a la fose un escudo que me protexía de todo.

Eu fun neno durante moito tempo, a miña infancia pareceume eterna, as horas eran interminables, e os meus medos alongábanas máis aínda. Tíñalle medo ao mestre, por iso as clases parecían non rematar nunca. Tíñalle medo á escuridade, o que facía as noites tan longas que cría que o sol non ía volver saír nunca máis. Tíñalle medo ás alturas, iso levou a que non me relacionase cos outros rapaces, dado que para chegar á vila tiña que cruzar unha ponte que parecía non chegar nunca ao outro lado. Tíñalle medo á auga; para non morrer dun corte de dixestión agardaba ata cinco horas inacabables sen me meter no mar.

Cando deixei de ser neno, meu pai quixo que eu estudase para médico, e saquei a carreira a pesar do arrepío que me producía o sangue. Fíxeno por medo a decepcionar a meu pai.

Ao rematar a carreira sentíame incapaz de exercer de médico e aceptei o primeiro traballo que me ofreceron: vendedor de enciclopedias a domicilio. Acepteino por medo a estar desempregado eternamente.

Un día quedei encerrado neste ascensor. Foi entón cando recoñecín a covardía enfermiza que caracterizou a miña existencia. E foi entón cando decidín que ao saír deste caixón ía acabar con ese medo a todo.

Raquel Uzal, na Biblioteca Virtual Galega.

**1. Escribe catro situacións, persoas, obxectos... que, de neno, lle daban medo ao home que fala.**



**2. Por que non se relacionaba con outros rapaces?**

**3. Por que despois de comer agardaba ata cinco horas antes de se bañar no mar?**

**4. Que carreira estudou de maior? Por que?**

**5. Que traballo desenvolveu logo? Por que?**

**6. Cando decidiu acabar cos seus medos?**

**7. Ponlle outro título á lectura.**

**8. Di algo ao que ti lle teñas medo e pensa en posibles solucións para superalo.**